

BUKUITAB TAI NE BO MUSA, NE KIGUURE
TAUNET

Ng'olyot agobo yaetab ng'ony

1 Eng' taunet, ko kitoi Kamuktaindet koyai kipsengwetisiek ak ng'ony. 2 Ak kima komi kiy ng'ony ak kima kotinyei iton; ak kimi mesundeito baragutab riret; kiwendote Tamirmirietab Kamuktaindet baragutab beek. 3 Ak kimwa Kamuktaindet kole, Ingolapkeit; kolapkeit. 4 Kigeer anyun Kamuktaindet lapkeiyet, kole mie: ak kibesio Kamuktaindet lapkeiyet ak mesundeito. 5 Kiguure Kamuktaindet lapkeiyet Bet, ak kiguure mesundeito Kemoi. Ak kiek koskoleny ak kiek karon, betut ne agenge.

6 Kimwa Kamuktaindet kole, Ingobiti soet eng' kwenutab beek, si kibesio beek chu ak beek chun. 7 Ak kiyai Kamuktaindet soet, ak kibesio beek che mi kureretab soet ak che mi baragutab soet; ak kiyakko u noto. 8 Kiguure Kamuktaindet soet Kipsengwet. Ak kiek koskoleny ak kiek karon, betut ne bo aeng'.

9 Ak kimwa Kamuktaindet kole, Ingoyumjigei beek yeto agenge che mi kureretab kipsengwetisiek, ak ingootok emet ne mami beek; ak kiyakko u noto. 10 Ak kiguure Kamuktaindet emet ne mami beek Ng'ony; ak kiguure beek che kagoyumgei Nyanosiek; ak kigeer anyun Kamuktaindet kole mie. 11 Ak kimwa Kamuktaindet kole, Ingobityo suswek eng' ng'ony - ketik alak tugul che mengechen che bo timin, che yiei keswek, ak ketik che bo logeok che yiei logeok ko u kergeindanywa che tinyei keswekwak eng' orinya eng' ng'ony; ak kiyakko u noto. 12 Kibityo anyun suswek eng' ng'ony, ketik alak tugul che mengechen che bo timin che yiei keswek ko u kergeindanywa, ak ketik che yiei logeok, che tinyei

- 1 Job 38:4-7
Is 42:5
45:18
Jn 1:3
Kol 1:16
Heb. 1:10
11:3
Ng'a 4:11
2 Jer 4:23
T. Kal 14
104:19
Jer 10:2
Joel 2:30,31
Mt 24:29
Lk 21:25
3 2 Kor 4:6
Ne K. Ng'a 16
4:19
T. Kal 136:7-9

- 6 Job 37:18
T. Kal 33:6
Jer 10:12
Jer 31:35 18

- 9 Job 38:8,10,
11
T. Kal 33:7
95:5
Jer. 5:22
T. Kal 21
104:25,26

- 11 T. Kal
104:14

keswekwak eng' orinya, ko u kergeindanywa, ak kigeer Kamuktaindet kole mie. 13 Ak kiek koskoleny ak kiek karon, betut ne bo somok.

14 Ak kimwa Kamuktaindet kole, Ingobiti tuguk che iluu eng' soetab kipsengwetisiek si kobiit kobesio bet ak kemoi; si koek choto kaborunoik, che bo arawek, ak betusiek ak kenyisiek; 15 ingoek choto che iluu eng' soetab kipsengwetisiek si kobiit koluuchi ng'ony; ak kiyakko u noto. 16 Kiyai Kamuktaindet tuguk che iluu aeng' che eechen; si kobiit koboi ne o bet, ak koboi kemoi ne ming'in; kiyai kecheik agichek. 17 Kiinde Kamuktaindet choto soetab kipsengwetisiek si kobiit koluuchi ng'ony, 18 si koboi bet ak kemoi, kibesio lapkeiyet ak mesundeito; ak kigeer Kamuktaindet kole mie. 19 Ak kiek koskoleny ak kiek karon, betut ne bo ang'wan.

20 Ak kimwa Kamuktaindet kole, Ingochang'a koek ng'isiat tuguk che soptos eng' beek, ingotirireno taristik eng' baragutab ng'ony eng' soetab kipsengwetisiek. 21 Ak kitoi Kamuktaindet koyai njirenik che eechen, ak kiyage tugul ne sobei, ne wendote beek, eng' chang'indo, ko u kergeindanywa, ak tarit age tugul ne tinyei kebebaik ko u kergeindanyi; ak kigeer Kamuktaindet kole mie. 22 Kiiberur Kamuktaindet ichek, kolenji, Oiiye, otésage, onyi beekab nyanosiek, ak ingotesogis taristik eng' ng'ony. 23 Ak kiek koskoleny ak kiek karon, betut ne bo mut.

24 Kimwa Kamuktaindet kole, Ingoii ng'ony tuguk che soptos ko u kergeindanywa, tuga, ak che ichuutegi, ak tions'ik che bo ng'ony ko u kergeindanywa; ak kiyakko u noto. 25 Ak kiyai Kamuktaindet tions'ik che bo ng'ony ko u kergeindanywa, ak tuga ko u kergei-

ndanywa; ak tuguk tugul che ichuutegei eng' ng'ony ko u kergeindanywa; ak kigeer Kamuktaindet kole mie. 26 Kimwa Kamuktaindet kole, Ongeyai chito eng' itondanya, ko u kergeindanyo: ak ingoboi ichek njirenik che mi nyangosiek, ak taritik che bo barak, ak tuga, ak ng'ony komugul, ak tieng'ik tugul che ichuutegei ng'ony. 27 Kitoi anyun Kamuktaindet koyai chito eng' itondanyi, kitoi koyai chito eng' itondab Kamuktaindet; kitoi koyai muren ak tie. 28 Ak kiiberur Kamuktaindet ichek; ak kilenji Kamuktaindet ichek, Oiye, otesage, si onyi ng'ony; ak obou; ak olaitorane njirenik che bo nyangosiek, ak taritik che bo barak, ak kiy age tugul ne sobei ne wendote ng'ony. 29 Ak kimwa Kamuktaindet kole, Ogeero, kaagonok ketik alak tugul che mengechen che bo timin che tinyei keswek che mi baragutab ng'ony, ak ket age tugul ne tinyei logoekyik keswek, koek amitwogikwok. 30 Kaagochi anyun ketik alak tugul che mengechen che nyalilen koek amitwogikab tony age tugul ne bo ng'ony; ak tarit age tugul ne bo barak, ak kiy age tugul ne ichuutegei ng'ony ne tinyei kabusetab sobondo; ak kiyak ko u noto. 31 Ak kigeer Kamuktaindet tuguk tugul che kiga koyai kole miachen mising'. Ak kiek koskoleny ak kick karon, betut ne bo lo.

2 Kigiges anyun yaetab kipsengwetisiek ak ng'ony ak chang'i-ndanyatugul. 2 Kiiges Kamuktaindet boisionikyik che kiga koyai eng' betut ne bo tisab; ak kii-muuny eng' betut ne bo tisab eng' boisionikyik tugul che kiga koyai. 3 Ak kiiberur Kamuktaindet betutab tisab, kotaban: amu kiimuuny eng' betutoto eng' boisionikyik tugul che kitoi Kamuktaindet koyai.

Komi Adam ak Awa mbaretab Eden

4 Chu taunaik che bo kipsengwetisiek ak ng'ony eng' betutoto ne kiyai Jehovah Kamuktaindet kipsengwetisiek ak ng'ony. 5 Kitomo kobiit ket ne bo kewet eng' ng'ony, ak kitomo kobiityo ketik alak tugul

26 Tau 3:22
5:1; 9:6
11:7
T. Kal 8: 6-8
Is 6:8
Jak 3:7,9
Tau 3:19 7
7:22
Job 33:4
Amd 12:7
1 Kor 15:45,
47
27 Mal 2: 14,15
Mt 19:4
Mk 10:6
1 Kor 11:7
Ep 4:24
Kol 3:10
Tau 13:10 8
Is 51:3
28 Tau 9:1,7
A. La 26:9
1 Tim 4:3
Tau 2:17 9
3:22
Ng' 22:2,14
29 Job 36:31
T. Kal
104:14,15
145:15,16
Tau 25:18 11
1 Sa 15:7
30 T. Kal
104:27,28
147:9
Dan 10:4 14

31 T. Kal
104:24
1 Tim 4:4

2 Kom 20:11
31:17
Heb 4:4

Tau 1:20,24 19

che mengechen che bo kewet: amu kitomo kogochi Jehovah Kamuktaindet korobonji ng'ony, ak kima komi chi ne ibati ng'ony. 6 Ago kitogosta kibungweret eng' ng'ony, ak kobis ng'ony komugul. 7 Ak kiyai Jehovah Kamuktaindet chito eng' ng'ung'unyek, ak kobusyi serune-kyik kabuset ne bo sobondo; kiek anyun chichoto, chito ne sobei. 8 Kigol Jehovah Kamuktaindet mbaret eng' Eden eng' komostab kong'a-sis, ak konde oloto chichoto kiga koyai. 9 Ak kiigochi Jehovah Kamuktaindet kobi ket age tugul eng' ng'ony ne kararan eng' keeret, ak ne mie eng' amet; ak ketit ne bo sobondo eng' kwenutab mbaret, ak ketit ne bo naet ne kinae ne mie ak ne ya. 10 Ak kimong'uene Eden ainet ne ibisi mbaret; yeityo kopcheigei eng' oloto, koek ainosiek ang'wan. 11 Kainetab ne bo tai ko Pison: noto ne yiemei emet komugul ne bo Abila ole mi tahabu; 12 miachen tahabu che bo emonoto: mitei oloto bedola ak soam. 13 Kiguure ainet ne bo aeng' Gion: noto ne yiemei emet komugul ne bo Kus. 14 Kiguure ainet ne bo somok Hidikel, noto ne wendi komostab kong'a-sis ne bo Asuria. Kiguure ainet ne bo ang'wan Euprate. 15 Kiimut Jehovah Kamuktaindet chito kwo kotebe mbaretab Eden si kobiit kosemberi ak koribei. 16 King'at Jehovah Kamuktaindet chichoto kolenji, Imuchi iam logoek che bo ket age tugul ne imache ne mi mbaret; 17 ago amat iam che bo ketit ne bo naet ne kinae ne mie ak ne ya; amu eng' betut ne keam che bo ketoto, imee ne matiny.

18 Kimwa Jehovah Kamuktaindet kole, Ma mie kotebi chi inegei; ayachini ne toreti ne kergei ak inendet. 19 Kiyai anyun Jehovah Kamuktaindet tony age tugul ne bo ng'ony eng' ng'ung'unyek, ak tarit age tugul ne bo barak, ak kokwerichi chichoto tieng'ichoto kogeer ole tochindoi kainaik; ak kainet ne kiguure chichoto kiy age tugul ne sobei, ko kiek kainennyi noto. 20 Ak kitochi chichoto tuga tugul kainaik, ak taritik che bo barak, ak tony age tugul ne bo ng'ony; ago kima biit ne toreti chichoto ne

kergei ak inendet. 21 Kiigochi anyun Jehovah Kamuktaindet chichoto ruundo ne nyigis, konouch: ak konem karasta agenge, ak kotuge yoto banyak kogeere karasato: 22 ak kiyai Jehovah Kamuktaindet kara-sato kiinemune chichoto, koek kwondo; ak komutyi chichoto. 23 Ak komwa chichoto kole, Ni anyun nguno ko kowet ne bo koweyuk, ak banyak che bo banyakab bortanyu: kiguure kainennyi Kwondo, amu kaginemune Muren. 24 Amu noto anyun, bagaktoi mureno kwandanyi ak kamennyi ak konamegi ak kwondanyi; ak koek ichech borto agenge. 25 Ak kitebyei tuwai ach ngor, chichoto ak kwondanyi, ak kima kolilandos.

Yomset ak kabutetab chito

3 Ki ng'alindet ndaret kosiir tony age tugul ne bo ng'ony ne kiga koyai Jehovah Kamuktaindet. Kilenji anyun kwndo, Tos, iman kimwa Kamuktaindet kole, Amat oam logoek che bo ketit age tugul ne bo mbaret? 2 Ak kilenji kwondo ndaret, Kichamwech keam logoek che bo ketikab mbaret: 3 ago kimwa Kamuktaindet kole, Amat oam logoek che bo ketit ne mi kwentub mbaret, amat otwa, si mobegu. 4 Kolenji ndaret kwondo, Iman, mobegu: 5 amu ingen Kamuktaindet kole, eng' betut ne koam che bo ketoto koyatogis konyekwok, ak ogeregeit ak Kamuktaindet, onai ne mie ak ne ya. 6 Ak ye kingogeer kwondo kole mie ketoto eng' amet, ak ko kararan eng' konyek, ak ko ketit ne kichamei ne ing'omiti chi, kobut anyun logoekyik koam; ak kogochi manong'otiondennyi ne kimi tuwai koam agine. 7 Koyatogis anyun konyekwak ichech tuwai, ak konai kole mi ach ngor; konabanab anyun sogekab mogoiyewet, konapchigei ngoroik che kigermenegi.

8 Ak kigas Jehovah Kamuktaindet kowendoti eng' mbar ye kiga kogaititit koskoleny; koung'gei koi-stoegei ole mi Jehovah Kamuktaindet chichoto ak kwondanyi, eng' ketik orit che mi mbar. 9 Koguurr anyun Jehovah Kamuktaindet chichoto, kolenji, Imi ano? 10 Kowoliji inendet, kolenji, Kagas kuti-

21 Tau 15:12
1 Sa 26:12

Kal 28:13 12

23 Tau 29:14
Kir 9:2
2 Sa 5:1
1 Kor 11:8
Ep 5:30

Is 65:25
Mi 7:17

24 Mt 19:5
Mk 10:7
1 Kor 6:16
Ep 5:28-31

Is 7:14 15
Mt 1:23,25
Lk 1:34,35
Rom 16:20
Gal 4:4
Ng'a 20:1-3

1 Mt 10:16
Ng'a 12:9
20:2
Jn 16:21 16
1 Kor 11:3
Ep 5:22-24
Tit 2:5

Tau 5:29 17
Amd 2:22,23
Rom 8:20-22

3 Tau 2:17

4 2 Kor 11:3
Tau 2:7 19
Job 34:15

6 Hos 6:7
Rom 5:12
1 Tim 2:14

Tau 2:9 22
3:5

8 Job 31:33
T. Kal 139:1-12
Jer 23:23,24

Tau 2:8 24
T. Kal 104:4
Heb 1:7
10 Job 23:15

ng'ung' eng' mbar, ak kaiywei, amu ami ach ngor, kaung'ge anyun amu noto. 11 Ak komwa kole, Ng'o ne kamwaun kole, Imi ach ngor? Keam che bo ketoto kiang'atin ale amat iam? 12 Kolenji chito, Kwondo ne kiigona ketebi tuwai, inendet ne kagona che bo ketit, ak kaam. 13 Kolenji Jehovah Kamuktaindet kwondo, Nee ni kaiyai? Kole kwondo, Kagoberbera ndaret ak kaam.

14 Kolenji Jehovah Kamuktaindet ndaret, Amu kaiyai kii, kagichubin keistaen tuga tugul, ak tony age tugul ne bo ng'ony; ichuutegi moeng'ung', ak iame ng'ung'unyek betusieguk tugul ko te isobe; 15 ak ande bunyondit kwenung'wong' inye ndaret ak kwondo; ak kwenuatab iyoteng'ung' ak nenyi; ak koutui inendet meting'ung', ak igouten aginye kwariandennyi. 16 Kolenji kwondo anyun, Atesun mising' nya-lildang'ung' eng' manageng'ung'; isiche lagok eng' ng'wanindo; ak inyalu manong'otiondeng'ung' eng' mageng'ung', ak koboun. 17 Kolenji anyun Adam, Amu kegas ng'alekab kwondang'ung', ak kaiam che bo ketit ne kiang'atin, ale, Amat iam che bo ketoto: kagichub ng'ony agobo inye; iame che bo ng'ony eng' nyalilda betusieguk tugul, kote isobe; 18 iiun ng'ony katok ak kata-belinik; ak iame ngwiek alak tugul che bo emet; 19 ak iame amitwo-gik eng' kaotik che bo togeng'ung', kot iweekyige ng'ony; amu kiginemunen yoto; amu i ng'ung'unyek, ak iweekyige ng'ung'unyek. 20 Ak kiguure Adam kwondanyi Awa; amu inendet kamaetab tugul che soptos. 21 Ak kinapchi Jehovah Kamuktaindet Adam ak kwondanyi sumotik, ak kolaakyi.

22 Ak kimwa Jehovah Kamuktaindet kole, Ogeero; kagogerite chichi ak age eng' achek, ne ingen ne mie ak ne ya; ak nguno anyun, ko si mata koyogoito eunyyi, ak kobut agine che bo ketitab sobondo, ak koam, ak kosob koigeny: 23 eng' noto anyun, kiimaanda Jehovah Kamuktaindet inendet eng' mbaretab Eden, si kobiit kobat ng'ony ole kiginemune. 24 Kion anyun chichoto komanda, ak konde Kerubik kotebe komostab kong'asis ne bo

mbaretab Eden, ak rotwetab chok
ne ilyeli ne tokyingei komosi ak
komosi, koribe oret ne wendi oldab
ketitab sobondo.

The Holy Bible in Kalenjin
© United Bible Societies 1969

Published by
The Bible Society of Kenya
P.O. Box 72983
Nairobi

UBS-EPF 1993 - 2.5M - 053

ISBN 9966